



長留集 孔劉合刻

曲阜孔尚任東塘著



遼海劉廷璣在園選



送大司成吳楞香先生省親南歸



詔下雙龍闕萱開五月天每逢簪組會都贊閔曾

賢名豈因辭賦實堪被管絃陳情初上表陟屺舊

成篇帝德能無外臣倫最易全目瞻雲舍下夢到

板輿邊計日裝歸橐臨河買去船生徒空把袂賓

從漫張筵梁燕雛方乳簷榴花欲然干旌多氣色

節物更鮮妍着錦須行畫投冠異引年暫爲嬉綵
子不戀聚瀛仙手澤松枝上文名石鼓前升階仍
釋菜衡藝罷頒錢榜姓依碑著奎章映日懸四門
誰折角六館自攜羶小子根源弱春風雨露偏薦
揚同國士負荷愧家傳知己今何恨銘心久益堅
追陪稱玉笋惆悵逐金鞭酒盡驪歌續車停水驛
牽參差江縣柳濃淡曉程煙白髮歡將接黃山秀
漸連偉哉公此去光采動班聯

留別王阮亭先生

拜別還山日回思御李先玄亭容問字陋巷待司
鞭宅近門宣武齋如洞善卷談鋒心忽折詩話口
初傳一去春燈夜長懷暮樹前吟哦司李句來往
孝廉船鬢積三分雪書沈九點烟東山公再起西
館我仍還厭喝花間道閒聽松際絃慈仁收斷簡
天祿考遺篇富矣周官列巋然魯壁連班行雖阻
隔倡和最纏綿巷小輪常駐堂空馬任牽珍藏多
在几寒具不登筵京兆豐碑誌襄陽故老編晨星
同感慨石鼓共周旋白髮曹郎老青雲幕府憐印

牀投翰墨公座說林泉解事僚傾耳能文吏接肩
農曹皆免俗洛社總忘年客路迷津久臣心憶母
偏何常無紫誥只是少青錢今荷君恩放行將
子道全艱辛春負米歡喜雨畊田流水尋餘興浮
雲捨舊緣山公方啓事陶令不驚眠尚有攜琴累
難辭祖帳堅金臺交已謝燕市酒纔捐揮淚酬知
已歌騷問上天真嫌芳草穢未信美人妍留恨當
端午催歸有杜鵑誰爲盤谷叙錯比二疏賢

四月八日寄園雅集趙天羽諫垣限四十韻

同人分賦

臺榭宜初夏禽魚羨早晨迎將山爽氣引得水清
淪細草偏滋雨濃花未減春捲簾誰放絮開徑自
芟榛肥土移紅藥疎欄護粉筠醅傾冬甕雪蔬薦
曉池蘋流水隨琴泛羣峰對畫皺鼎彝屏錯落筆
硯几停勻退食郎曹省輟耕沮溺叟同遊朋最勝
各賦體須真負手追滕蝶拈鬚看沼鱗蘭抽當戶
箭榆擲繞牀緡一畝藤盤屈千尋壁嶙峋燕鶯纔
試語櫻筍正嘗新蕉綠心含卷梅黃子抱娠眼前

紛美景世外度佳辰解組方鬆綬牽絲又續綸何
江容釣叟有澗駐春申蠟屐曾留齒柴車應壞輪
含香辭殿口裹藥跨驢身望母雲邊魯迷家洞裏
秦窮途傷枳棘古塚歎麒麟澤畔吟還起山陰跡
已陳難酬惟友義不了是詩因鳩倚先生杖擅聯
學士茵以文行酒政無語論錢神清獻風裁裔吳
興跌宕人脚厨多秘字手版異常珍才調高成集
襟期妙絕倫應門童款款說項舌津津仙境原驚
俗侯鯖頓療貧提攜慷慨士眷戀逐遷臣晚照催

詞賦餘歡罄主賓漫言茲會易那見昔賢頻臨老
違燕市將歸卜孟鄰束裝情促刺判袂態輪囷長
把分題紙如書記事紳寄園存大夢過客聚微塵
席散仍攀柳風來忽憶尊獨嫌鬪韻短懷抱未全
伸

擬五臺應制二十二韻

輯瑞亨嘉會屬車侍從辰靈山探奧秘初地仰嶙
峴象臥坤形厚龍蟠水脉真何年開寶剎此境示
金身佛力無疆界皇圖絕等倫燔柴非望秩禮梵

亦時巡補助咨羣牧謳歌採細民風和天仗靜雪
霽御烟勻宛轉提珠勒逍遙碾玉輪迎鑾鐘隱
隱戒道雨駢駢驚嶺松林古琳宮藻井新池寒常
得月洞老不生塵木石頑能悟禽魚妙見因慧光
符舜智慈性體堯仁稽首痾瘵切燃香祝願申清
朝皆淨土蓮座是楓宸北嶽神同位西方聖有鄰
登臨須極頂流覽欲經旬萬歲崑崙響八埏駮駟
馴卿雲隨大輅湛露灑微臣指顧恩輝布迴環化
日均五峰如掌列總作帝臺春

長留集

孔劉合刻

七言排律目錄

容美土司田舜年遣使投詩贊予桃花傳奇

依韻却寄

舜年詩文甚富
亦有傳奇數種

長留集

孔劉合刻

曲阜孔尚任東塘著

遼海劉廷璣在園選

容美土司田舜年遣使投詩贊予桃花傳奇

依韻却寄

舜年詩文甚富
亦有傳奇數種

驚見詩箋世外霞
武陵小記不曾差
日邊漢殿新
通使洞口秦人舊
住家鷄犬聲中添
講舍樵蘇烟
裏建軍牙列侯符印
懸如斗屬國山河聚
似沙直上干盤尋鳥道
曲流一綫引魚槎
八方未鑿峰巒

古百草纔嘗氣味嘉父老雖煩 天語問滄桑豈
令世情嗟常懷樂土舟難入欲訪仙源樹易遮歸
去楚臣蘭有臭投來郢曲玉無瑕文翁壁畫經生
覽焚道弓衣賦客誇自是籠頭收藥物何須扇底
看桃花驚魂陣馬雲馳想貶眼風濤海傍涯解組
全辭形勢路還鄉穩坐太平車離騷惹淚餘身世
社鼓敲聾老歲華愛把奇文薰艾蒟勝遊異域拜
毗邪從今水乳神交切祇乞容陽數餅茶

長留集 孔劉合刻

五言絕句目錄

宿白駒場 鏡 剪 扇頭梨花畫眉鳥

白雲梯 牛首山 磴道 六朝松 浮山 揚州城內山與地平 傳為天地心上建大

禹祠 東閣 何遜咏梅處 今在府治 淳于宅 在天寧寺西淳 于芬夢南柯處

蕪城 今名包城鮑 昭所賦者 董井 董子舊宅 今為嵯司 文選樓 昭明

著文選處在旌忠 寺聞襄陽別有 竹西亭 古揚州歌吹之 地在禪智寺西 瓊花觀

即古蕃釐觀 瓊花久萎 隋隄 煬帝築堤種 柳故址猶在 二十四橋 煬帝行 幸之所

今廢 螢苑 隋別館也舊有梳 粧樓今建觀音閣 玉鈞斜 在城西隋 葬宮人處

雷塘 煬帝葬處 在包城

木蘭院 王播題詩處 今為石佛寺

芍藥廳

在禪智寺西韓魏公守廣陵日與王岐公王荆公陳秀公賞金帶圍處

平山堂 歐蘇兩公宴遊處在

樓靈 康對山彈琵琶處今為他姓園

傍花村 在紅橋東北野

老種梅可觀予偶過此與詞客倡和遂成勝地

仙棗亭 枯棗

樹 在黃鶴樓

辛氏旗亭 在黃鶴樓

憂旱五謠

長留集 孔劉合刻

曲阜孔尚任東塘著

遼海劉廷璣在園選

宿白駒場

夕 海霧暮皆連海風春更急維舟在白駒聊以永今

鏡

明鏡似人心磨開與眾見若留鏡面塵塵乃在人

面

剪

鄉夢結干場春愁書萬紙得君快剪刀亂絲何須理

扇頭梨花畫眉鳥

梨花雪滿枝春風簾幙曉畫眉人尚眠且看畫眉鳥

白雲梯

牛首山磴道

白雲厚且濃石磴斜相倚終古有莓苔登天愁滑履

六朝松

千年老枯枝無力發清韻過去閒興亡時有人來問

浮山

揚州城內山與地平傳為天地心上建大禹祠

再拜大禹祠神功俱杳冥何處驗滄桑地皮沒山

頂

東閣

何遜咏梅處今在府治

詩興何年歇簿書閣上多官梅月照處何遜正催科

淳于宅

在天寧寺西淳于夢南柯處

秋雨洒古宅葉落滿槐根大夢不易覺小夢何足論

蕪城

今名包城鮑昭所賦者

烟起蕪城昏月落蕪城早參軍一賦成又長千年草

董井

董子舊宅今為醴司

灌蔬園中泉大儒不暇探今日屬鹽官水味仍古淡

文選樓

昭明著文選處在旌忠寺聞襄陽別有

辭賦正流傳茲樓高百尺蕭梁何處宮只餘太子

席

竹西亭

古揚州歌吹之地在禪智寺西

揚州冶游女日上竹西亭亭空歌吹歇竹響無人

聽

瓊花觀

即古蕃釐觀瓊花久萎

瓊花妖孽花揚州緣花貴花死隋宮灰看花真無

謂

隋隄

煬帝築堤種柳故址猶存

一道垂柳堤日日入走馬無限古今愁付與送行者

二十四橋

煬帝行幸之所今廢

不見舊時橋仰問當年月何處一聲簫半夜猶淒絕

螢苑

隋別館也舊有梳粧樓今建觀音閣

火 隋苑連隋宮金鏃壞金鎖帝魂扶妃魂燐火雜螢

玉鈞斜

在城西隋葬宮人處

野棠蔭荒墳人寂秋蟬沸地裏粉黛香化作芳草

氣

雷塘

煬帝葬處在包城

雷塘花滿塘蛙鳴春雨足往往摸魚人摸得白骨

綠

木蘭院

王播題詩處今為石佛寺

行行聞齋鐘木蘭有舊院早晚詩人來加意留餐

膳

芍藥廳

在禪智寺西韓魏公守廣陵日與王岐公王荆公陳秀公賞金帶圍處

偶爾送客盃乃是丞相會芍藥媚人花先來獻金帶

平山堂

歐蘇兩公宴遊處在棲靈寺傍

遺堂對江山仙翁不再過泛泛城市兒來尋半日坐

康山書屋

康對山彈琵琶處今為他姓園

老樹響秋堂琵琶聲如在買山主人多康姓誰能改

傍花村

在紅橋東北野老種梅可觀予偶過此與詞客倡和遂成勝地

瘦 野老數株梅不放俗人嗅座中誰相宜使君最清

咏小忽雷

唐韓晉公手製胡琴也為內侍鄭中丞舊

中丞唐女部手底舊雙絃內府歌筵罷淒涼九百

年

仙棗亭枯棗樹

在黃鶴樓

小吏忽成仙相傳吞此棗棗樹有枯時那能仙不老

辛氏旗亭 在黃鶴樓

酒家盤裏橘能舞又堪騎俗客看黃鶴仙人跨橘皮

憂旱五謠

旱魃虐我郊屈指百餘日難禁掃雲風跪腫師巫膝

隴麥青變黃省鋤亦省饋寸高釵股苗皆吐蠅頭

穗

榆錢已落地耕種尚無期閒煞滿村牛墻陰齧豆

其

不怕農民閒只愁官長倦朝朝步禱回還比催科

限

市糧忽減價豈是轉豐年忍餓亦須糶欲糶誰有

錢

市蘇... 不計... 其

長留集 孔劉合刻

七言絕句目錄

久泊秦郵 渡揚子江望京口 北固山看

大江 田夜過海上大東河 黃仙裳交三朱

魯瞻潘雲侯送余舟中小酌分賦二首 來昭

陽樓上即事 天再題從子衍棧為諸同人作

畫二絕俱得門字 同文游臺題壁二首 馬

卒歌北調二首 真花朝傍花村同諸子尋梅

二首 村在廣陵 紅橋東北 清明紅橋竹枝詞二十首

待漏館官廳題為曉鶯堂二首聽徐浩然

琵琶二首登真州城南襟江閣子初題額望

練湖過黃河送同事先歸者二首首兩花

臺晚眺登天闕牛首山巔又題張虞廷鼓琴

圖張諧石端梅菴朱其恭吳雲逸楊來斌

徐二田陳鶴山蔣叔瞻釀酒徵歌舟中餞別

庚午除夕口號八首戲題冶游圖四首

咏漢玉羌篴程宏寫紅梅見贈詩以答

之二首聞角春夜聽笛除夜題老人

飲酒讀書圖有序燕臺雜興四十首有序

春風葉桐初來過即別楚遊二首別

平山者五年矣聞僧麗杲還山賦此送之

國子監博士廳依前韻答王憲尹陸天藻

陸儼庭顧吉士劉雨峰諸寅丈春日苦雪

寓感六首觀顧爾立落花游魚圖二首

夏日碧山堂送張玉山之濟南送林桐叔

還嶺南三首懷盤山拙公禪師並謝寄到

山志餞方鶴洲之官信豐二首和蔣玉

淵七歲童子詩

時年六十七自除花甲稱七歲童子

送楊耐庵之

武昌二首

招同社蔣玉淵劉仰山陳健夫

于虎臣顧爾立吳鶴山劉靜伯陳書焉李萬

資潘層峰朱贊皇沈耘石李永祺余尺玉集

岸堂賞盆桃二首 東臯春泛迴舟口號

聽黃葵園琵琶有感 花前小部餞劉仰山

之行唐任 楊花二首 海棠院詠白丁香

馬祖修還金陵索詩二首 聽樊花坡琵琶

黃葵 紅蓼 題毛會侯松綾琴囊二

首 咏斜街瓊花二首

有序

題計希深驢

背琢句圖二首 健夫過訪留飲 看天壇

牡丹二首 燕臺雜興三十首

有序

題表

杜少畫石冊 長安雪後寄懷拙庵禪師二

首 咏斷紋烏皮几 初晤何義文即送從

事河干 麗雪崖同寅之任建寧題句畫端

二首 題柯亭無絃琴圖二首 惠元龍太

史出宰密雲使來贈紵 題扇頭墨畫杏花

寒食日送陳健夫南遊四首 飲洪秋巖

齋中二首 洪秋巖席上送嚴二維南遊二
首 題沈眉生先生姑山草堂圖 黃自先
招集麗暉堂同劉雨峰于章雲劉元歎陳子
文吳元朗崔青峙分詠秋柳二首 聽樊花
坡琵琶彈秋宮秋塞二曲 送黃友三南旋
二首 庚辰元日題翁岩求蘭譜子咏者歲
蘭開於春初色白香幽二首 李彙公兄弟
招看海棠同陳子文劉元歎劉雨峰錢亮工
吳元朗分韻 花下聽歌見歌兒淚下感而

贈之 席上見海棠漸開 題果廠張園

萬九沙移樽岸堂同余鴻客夜飲 酬曹白

山遠顧 咏檳榔花 咏一捻紅芍藥 馬

繼人惠香 留題蓼庵畫卷 顧大士畫東

坡捧腹圖 題高且園指頭畫秋意 爲張

柱客題美人卷 題徐芝仙畫青塚圖五首

徐芝仙扇頭禹尚基畫翠樓圖 題洪秋

崖扁舟訪友圖二首 題冒辟疆姬人繡文

扇頭貼瓣梅花 葉桐初行藥圖景中無人

意致高絕為題其後題瓶花卷黃葵園畫

題胡智修種竹書屋小照二首題李吉

四僧裝小照二首扇畫梨花白燕施溥霖

筆也愛其雅秀遂題之題指頭畫題坐

禪圖張曉岩畫扇頭荔子題美人看魚

圖為張子霖題書劍圖題張珊來磨劍

圖題馬眾旃畫卷答余尺玉吳名翰

為予作傳高大陞付梓以贈予未識其人

又見瓊花送許孚中西遊二首張敬止

中丞席上贈歌者二首送樂塊然之天津

買芍藥花二首劉雨峰寅丈又來館賞

瓶中芍藥同人分韻二首初伏日方一峰

吳名翰汪半亭楊君弢陳子章樂塊然釀酒

岸堂消暑分韻八月十八日憶廣陵舊社

二首咏草虫名聒聒曉過蘆溝橋曉

望西山趙北口二首曉霧冒雪北回

香城旅舍獨酌聽瞽兒琵琶出彰義門

旗亭口號贈送行者二首元夕二首

蹋青晚歸二首 寒食得花字四首 時大飢流殍載道

咏聊園石船二首 平陽竹枝詞五十首

平陽柳枝詞十首 過壽陽 過鳳凰山

泊舟白鱣廟書定省上人屋壁 來鶴亭

陳子文新書 題閣筆亭四首 有序 漢口登

額在黃鶴樓 輿北歸 花朝題樓一上人採芝圖並送入

都二首 九日挽顏澹園親家 街西三絕

劉生索賦 元夕蹋燈詞四首 春夜睡醒

中屋角桃花 挿柳二首 暮春過魯城東

萬柳莊二首 四月六日野人獻新黃瓜乞

賞

長留集

孔劉合刻

曲阜孔尚任東塘著

遼海劉廷璣在園選

久泊秦郵

裏外湖光照遠天
孤艙燈暗帶衣眠
千絲錦纜牽
愁處羨殺輕帆
夜過船

渡揚子江望京口

滿岸青山夾海邦
煙光嵐氣撲晴牕
輕帆不見風
濤險已過金焦
又問江

北固山看大江

孤城鐵甕四山圍絕頂高秋坐落暉眼見長江趨
大海青天却似向西飛

夜過海上大東河

煙荒水漫望難真欲纜孤舟少四鄰清冷帆頭一
片月海邊初照作詩人

黃仙裳交三朱魯瞻潘雲侯送余舟中小酌

分賦

春草連天春水流登樓纔送又登舟憑君折盡飛

花柳省得粘襟惹客愁

三月春光幾日晴海風海霧海濤聲停盃東望添
愁緒且把船頭轉向城

昭陽樓上即事

樓上窗開水拍天風酬雨和暑忘眠奚童日日隔
溪叫特爲詩筒設渡船

再題從子衍棧爲諸同人作畫二絕俱得門

字

白髮衝寒海上村畫圖忽見舊柴門空山三載閒

風雨朽却茅堂柱幾根
坐對流泉曉到昏抱琴緩步返柴門
千山萬壑雲烟起失卻秋林幾處村

文游臺題壁

彷彿羣賢此地登殘碑古木總無憑
只餘攜酒行吟路雨洗苔皮去幾層

吳楚春風何處收海雲連水下江流
一從秉燭尋詩去直接今年雪夜舟

馬卒歌北調

一聲高唱似涼州觸起英雄萬古愁
歌者舉頭頻顧客不知雙淚爲誰流

馬卒由來燕趙民蕭蕭易水曲猶真
荆卿歌罷無消息那得回頭教後人

花朝傍花村同諸子尋梅

村在廣陵紅橋東北

傍花村巷酒旗斜花裏開筵過晚鴉
莫怨春寒花事減陰晴總是爲梅花

傍花村後竹林疎誰解尋詩到草廬
今日笙歌沉醉去梅花不是野人居

清明紅橋竹枝詞二十首

乞放水關天未明大船遲重小船輕橋頭拍手人
齊笑妙舞清歌脚底行

橋東亭館重重閉落盡紅梅無數花旋拂春臺旋
掃地主人也到喫盃茶

長橋掛在綠楊樹新月蛾眉色又紅水陸分成十
字路畫船南北轎西東

放衙誰認使君尊新勝街頭總閉門一曲紅橋三
里水清明消盡滿城魂

紅橋佳麗隋宮地樓上紗窗擁翠鈿壽字金袍長
命索畫生兒女也堪憐

迎神會裏齊敲鼓宮戲場前也鬪雞絕好紅橋人
鬧壞傍花村店覓詩題

郭外旂亭何處好朱朱粉粉靠紅橋一缸雪酒三
升水慣賺閒人看柳條

法海紅橋淺水通船船堂客隱簾籠相逢半尺挨
肩過粉氣衣香占上風

紙灰亂舞荒岡草遮斷紅橋柳樹烟最好溪邊安

塚處兒孫拭淚看遊船
窮船詞客富船商挾妓招僧雨未妨迎着橋邊拱
手過紛紛各爲踏青忙
揚州第一紅橋勝花柳清明無二時點點關愁江
上雨兒童不得放風鴟
橋邊久繫阿誰舟也薰香爐拭茗甌好樹桃花紅
照眼貪羸馬吊不回頭
橋西橋北塚爲鄰祭掃何曾淚掩巾少化紙錢多
剩酒猜拳驚起九泉人

翠樓高處有紅粧笑數遊人坐夕陽一匹花驄橋
上過彈弓准手好兒郎

家家楮幣酬窮祖迎出城隍賑鬼飢莫怪乞兒橋
下叫清明節是撒錢時

雨溼紅橋似絳唇花遮柳掩看難真牽情橋上佳
公子不但魂消爲麗人

橋下墳園嶺下莊輿人兩脚早晨忙小姑又怕桃
花謝要約阿婆早進香

橋上遊人幾箇歸春雲一陣掩斜暉年年例有清

明雨儘着尋花溼透衣
紅橋南北無多水款款搖舟萬里長
法海寺傍湖盡處吹簫打鼓等斜陽
留戀紅橋市酒香歸來都到日昏黃
燈船亂點迎頭照水底霞光一丈長

待漏館官廳題爲曉鶯堂

殿閣鐘聲送曉風紛紛不見軟塵紅
館名待漏緣何事只有鶯聲似漢宮

三月揚州何處春官廳緊與寺爲鄰
留題記取聽

鶯處好作重來種柳人

聽徐浩然琵琶

攜琴掩淚走天涯散絕廣陵宮
調差魯國雖存教樂手南來也學弄琵琶

當年康海過揚州一曲彈成詩滿樓
今日琵琶前日調燈前想起舊風流

登真州城南襟江閣

予初題額

高樓獨上晚秋天萬里江濤到眼前
幾幅帆來風正順白門應是夜開船

望練湖

練湖秋水未全消光接斜陽影動搖十幅吳綾白
勝雪漁邨黃葉作裙腰

過黃河送同事先歸者

故鄉雲樹隔黃河渡過黃河路不多何事先來歸
却後送人人去我如何
送人人去我如何放轉船頭又渡河九曲風濤天
下險年來直作等閒過

雨花臺晚眺

荒臺殘照古今留一望平收萬里秋久客渾忘船
下水卻來此處認江流

登天闕

牛首山巔

天闕雙開狀帝都而今宮寢只平蕪城中日見南
山翠身到晴峰翠也無

又題張虞廷鼓琴圖

松風澗水兩琤琤都入琴絃併一聲此曲不宜加
俗耳空林料得少人行

張諧石端梅菴朱其恭吳雲逸楊來斌徐二

田陳鶴山蔣叔瞻釀酒徵歌舟中餞別
紛紛席上各沾巾日落還添酒數巡我欲開帆君
上岸長行翻送短行人

庚午除夕口號

亦是斑衣戲舞身曾無盃水到親唇紛紛節債酬
難了只有高堂肯恕貧

舊歲王程鄉路過團圓子姪繞笙歌今年今夜分
千里祀竈迎先念我多

鄉園老婦寄書來典盡羅衣到玉釵一歲窮忙三

百六燈前匣鏡可曾開

小兒總角女垂髫瑣碎鄉情遣不消直點明燈連
曉漏夢魂省得路迢遙

村隣兄弟賞春風應把深盃日日尾酒駐朱顏愁
逼老歸來只看我成翁

江南朋舊到來稀詩卷塵封心事違獨撥寒爐傾
悶酒一人一影不成圍

景陽鐘動促朝天滌洗枯腸飽御筵貴是君恩貧
是命不須雙淚滴階前

湖海誰吟絕妙辭空教客鬢改青絲
去年景在今年眼驚說明年隔片時

戲題冶游圖

馬戀旗亭打不歸幾條巷口被花圍
彈弓只是撩情物寄語春禽任意飛

可惜羅敷自有家鞦韆架影向東斜
牆頭不看紅成樹遶地閒尋戴過花

車輪能比馬蹄忙飛盡紅塵只剩香
蝴蝶縱然無氣力一層花過一層牆

等煞崔郎步又吟瑣春門戶萬重深
黃鶯莫坐枝頭罵除看桃花有底心

咏漢玉羗篴

古巷苔荒廢井湮一枝玉篴出黃塵
落梅折柳當時曲誰是江樓舊主人

程宏寫紅梅見贈詩以答之

不見紅梅寄一枝水邊林下最堪思
今朝風雪敲門急爛熳春光出袖時

冷落豐臺芍藥枝紅梅紙上慰相思
臙脂總是傾

城色也入高人也入時
城上樹林思無盡
聞角

畫角城頭冒曉霜三聲吹出羽林郎
太平不許閒
弓矢賭酒贏花滿射場

春夜聽笛

急聲吹破慢聲收
亂落梅花一夜愁
不是陳隋殘
水調伊涼後尾接甘州

除夜題老人飲酒讀書圖

圖爲老蓮畫懸榻前三年矣
童子掃舍欲

易之子不忍也仍留守歲

白髮蕭騷一卷書
年年歸興說樵漁
驅愁無法窮
難送又與先生度歲除

燕臺雜興四十首

有序

蝸寓在宣武門外距太學十五里
每月堂期六次計一歲往返二千二百里
予十年博士在館者六載蓋行一萬三千二百里
矣昔人云不行萬里路不讀萬卷書難乎
爲詩今成均旣無書可讀而僕僕軟塵中

亦無景可寫甲戌春坐輿人肩上偶觸時
事懷時人輒吟斷句歸書條紙於榻屏久
之屏且滿無體無格不倫不理閒作註解
以當詩話云

彈鋏歸來抱膝吟侯門今比海門深御車掃徑皆

多事只向慈仁寺裏尋

王阮亭司農龍門高峻寒士不易登造每過慈仁廊下購書乃得一望顏色

烏目山人五字雄年年鎖院信難通南巡圖就才

應盡結果王維一畫工

太倉王石谷名暈詩人也而以畫著今被召繪南巡圖三年未成嗚呼老矣

劫後承平又到今牌樓舊址 勅搜尋不知閱歷

人多少掘得紅塵五丈深

都城內外牌樓久遭劫火今春奉勅重建掘土五丈始得舊基

染翰猶留舊鳳池還朝節使白雙髭蠻烟瘴雨消

磨盡看取山薑老辣詩

田綸霞司寇以中翰起家兩撫吳黔今始還朝所著山薑詩與漁洋齊名

龍門今已掛烟蘿問字停車巷每多南戀青山北

戀友遲遲踪跡欲如何

李渭清侍讀決意歸田以友朋之故留滯兩年

席帽青衫徧染塵七年記得陸郎真岐王席上笙

歌裏扇掩燈光認舊人

子遊吳時常聽陸九歌今又遇於王府年已二旬彷彿識之

今古文章中座師何郎不第未為奇由來買骨非

生馬哭倒金臺笑爾癡

何吧瞻名焯癸酉下第惱不出戶者數月

十丈紅塵一洞灰高車短扇呵如雷太平園裏閒
簫管演到新詞第九回

太平園今之黎園部也
每聞時事即譜新聲

一胞三鳳並冲霄光燄文章季更饒已泛西湖難

飽願翻身又看浙江潮

顏學山檢討為澹園修來胞弟制藝
最高典試兩浙甫旋又有督學之命

妙手黃荃久出羣琵琶又勝畫三分樽前一曲關

何事壞我青衫最是君

武進黃葵園名衛畫學
惲正叔又以琵琶擅譽

新栽古寺竹三竿幾度朝回信馬看笑殺雪公貪

講座今年不管報平安

崇效寺方丈種竹甚茂今雪塢應
法華講席竹無主人漸就枯萎

雄雉詩篇洛下喧元和新體應掄元傳臚却讓頭

名去不是七言是萬言

顧書宣修撰著雄雉齋稿名
噪中原今春聯捷傳臚第二

酒社詩壇到處牽春來多辦買輿錢龐公傷足三

旬假贏得高齋儘意眠

龐雪崖工部墜階傷足
花前社事頓覺冷落

名花未進早呈圖照樣移芽入上都黃帕紅羅人

讓路牡丹遭際古來無

中侍購花洛陽得牡丹奇種甚夥命畫
士周子庸江天章先繪花圖依圖進花

刻燭瓊筵索賦篇風流誰似玉堂仙春宵多少揚

州夢拋向紅塵漫五年

狄向濤庶常招諸名流分題闡韻為看
燈之會予亦與座然自廣陵倡和以來

塵封筆硯
蓋已久矣

谷口八分署玉樓難尋竹垞五湖舟養心殿裏朱

長留集
三
鎬在承直三年亦白頭

吳江朱其在名鎬隸書不減鄭汝器朱錫鬯今待詔內庭

顧郎新譜楚詞成南雅清商絕妙聲何事招魂刪

一折筵前無淚與君傾

無錫顧天石名彩作楚詞譜傳屈宋故事南雅小班特善之然不演招魂

一折觀者以為恨

重到曲江鬢似僧鶯花老興尚堪乘渭清自是山

東李杜少真成杜少陵

表杜少編修與李漁村侍讀交善攜手聯吟詩日高妙時號李杜

高讌南皮禮數寬古香池館接紅蘭主人辭賦清

無敵驚得鄒枚袖手看

古香紅蘭兩主人博學能詩恭儉好士有河間之風

青霞一去春闌珊衣帶天香昨夜還帖上新詞如

九誥花王封在上方山

上方山牡丹甲北方休寧吳青霞名啟元看花一月積詩成帖張岫菴書朱遠

公刻傳為三絕

曹謝王田接李邊從來風氣濟南偏孫登一嘯如

鳴鳳人世簫韶是舊傳

阮亭綸霞實菴方山四公領袖風雅俱濟南人今孫子未檢討自闕還得詩百

首音調高朗又開濟南風氣

碧桃花下遇仙郎蝶醒鶯驚四座忙湯餅最能添

面粉鬱金美酒不須香

宛平李丹崖名天桂文采丰標一時無兩每來驚座而滴酒不沾歎為缺事

定本程朱列試闈五經同異敢輕窺青鞋席帽滄

波老挾策長安欲問誰

太平曹滄波名森博學卓識著經書宗元駁宋儒之謬每遭時議

杏墅東臯勝輞川王孫好句待人聯如何五里春

城路不見誰來問酒船博問亭王孫構東臯別墅琴亭酒舫極山林之勝冠蓋多羨者而遊屐寥寥

徑寸燈光石照眼新旅亭鐵筆玉精神人間尚有

三橋派慟哭黃泉垢道人長洲夏少聞名玠號旅亭摹印韶秀宗文三橋時手無出其右而穆

倩之古奧竟無嗣響

太傅吟詩舊草堂新開蔣徑自鋤荒藤花不是梧

桐樹却得年年棲鳳凰宜興蔣京少名景祈寓古藤書屋予與阮亭先生數數過談其地為金太傅舊

第龔芝麓朱竹垞黃俞邨周青士諸公先後作寓皆名流也

曼倩談諧久不聞諛權諂貴世紛紛王麻胸次誰

能及朝市逢人罵細君王素臣工部具曼倩之口逢人戲謔然胸有涇渭所謂不以三公易介者

崇效慈仁賽海棠年年攜酒洗紅粧花鈴一護深

宮裏細雨輕風兩斷腸崇效慈仁兩寺海棠老本為名園所無今獻入大內

門掩蓬蒿似隱淪紅塵不上謫仙身紛紜車騎空

相訪聽得琴聲那見人魏子相檢討閉戶彈琴斷絕俗交

僮來不載酒盈瓶倒架傾箱尚怪遲誰費囊錢誰

果腹買書人較借書癡陸儼庭戶部好讀書子架蠹編皆為借徧蓋三千餘卷矣

記得淮南作賦招大山相近小山遙今年張緒初

攜手還是東風弱柳條揚州張山來名潮擅詞賦又有張山來名鳴珂者謂之小山來美丰姿亦能詩

子在淮南聞其名今始見之

算袋詩囊不離身低垂白髮走紅塵我通樂律君

精曆都是長安乞米人

宣城梅定九名文鼎精通曆數客老長安

宦海如斯首漫搔圍碁局裏看英豪玉堂黃閣朝

朝變留得靈光在冷曹

謝方山戶部浮沉郎署者二十年閣院掌故多就詢之

秋被聯吟似弟昆劉梁揭戚李蒼存經春再過松

筠下破竈殘牕雪掩門

上杭劉鰲石名坊南豐梁質人名份南昌揭鞞然名人萇泗州戚緘子名

慎盱眙李蒼存名嶸瑞同寓松筠菴子時過訪今年皆散去

遼海雲踪無路搜操觚忽向洛塵遊時流驕惰前

賢吝誰與昭明構選樓

江寧丁勗菴名灝操觚來京欲選近賢詩文恐不易成

西山夕照滿柴門送老吟詩步履尊二十年前遊

俠客于今宅是浣花村

宛平陳健夫名于王俠士也今卜居西城閉戶吟詩如一野老

鬼斧神工出手新不須苦鍊即驚人盧仝李賀皆

零落輸與青籐有後身

吳趨徐芝仙名蘭能為奇句酷似文長

繭紙蘭亭已莫追沈郎鈎染自堪垂烏金蟬翼傾

時就不怕雷轟薦福碑

湖州沈筠石名堅鈎染碑帖能亂真乃一時絕技

霜月淒清一斷猿長吟不比鳳鸞喧何人採入和

鳴集也費洛陽紙數番

予湖海集後新詩無多名曰岸堂稿近有刻輦下和鳴集者謬被採入實增汗顏

從子託名老畫師浪遊京洛鬢成絲牡丹屏幃家
家有焦墨枯毫那入時

子姪衍弒字石村精爲焦墨畫住
都一年人無識者然畫自可傳也

春風雷轟蘇

馬蹋殘紅住復行曲江渾不似柴荆吹花開放吹
花落一陣春風兩樣情

葉桐初來過即別楚遊

秋花滿院露溥溥忽得君來把袖看今夕相逢今
夕別長安却似大槐安

蒲帆南下浪千層徧野秋蟲撲旅燈九日題詩相

憶處青山紅樹是江陵

別平山者五年矣聞僧麗杲還山賦此送之
不到平山漫五年舊人無復寄新篇燕臺盡日思
楊柳那更秋風送皎然

國子監博士廳

雀噪新槐吏散衙十年種破二毛加不知城外春
深淺博士廳前老薺花

依前韻答王憲尹陸天藻陸儼庭顧吉士劉

雨峰諸寅丈

朝來並轡出寒衙和我新詩點不加却怪春遊君
獨懶慈仁落盡海棠花

春日苦雪寓感

清明已過養花天雪壓重門擁被眠笑煞東風無
氣力寒雲敢與夏雲連

柳避鶯藏不做春飄零雪片太欺人東皇來處無
消息九九寒冬數二巡

爐傍甕底足生涯三月青驄繫在家却怪年時春
浪蕩手遮團扇看桃花

日日春雲凍不開關心珠桂憶江梅紙窗正是風
吹雪鑷白紛紛爭鏡臺

天然粉本似荆關拄笏僧樓盡日間不管晴嵐與
暖翠直看雪意了春山

園林今是幾番風不見新黃間早紅縱使天晴春
已暮百花老在雪團中

觀顧爾立落花游魚圖

一點胭脂一海棠飄零水面亂春光群魚爭啜吞
還吐誰愛紅英誰愛香

大魚成隊小成行滿紙紛紛細雨涼似惜春隨流水去倒吹香葢上銀塘

夏日碧山堂送張玉山之濟南

鞭敲驢背早涼生萬樹濃雲是去程歷下流傳亭子古新詩滿壁少君名

送林桐叔還嶺南

明日思君何處看濃陰樹裏路漫漫塵襟不是羅浮蝶隔却雲山覓伴難

萬里身歸石嶽居木棉花落歲將除賓鴻有翼猶

難到辛苦誰傳嶺外書

誰挽中原東逝波嶺南奇句重吟哦憐君暑月歸裝促雙淚沾巾比汗多

懷盤山拙公禪師並謝寄到山志

青溝禪院澗之濱雨翠晴嵐隔世塵寄到名山書十卷却同花片引漁人

餞方鶴洲之官信豐

白髮難分好弟兄樽中別酒古人情銀燈正照歡場裏細聽笙歌是渭城

雁叫斜陽水亂流沙窩門外古城秋年年送客之
官路今日垂楊無限愁

和蔣玉淵七歲童子詩

時年六十七自除
花甲稱七歲童子

卯酒醺然滿面春
鑷鬚剃髮染朱唇
刪除六十年
間夢只願天爲忘事人

送楊耐庵之武昌

白頭厭看世情新
况對紛紛戰馬塵
十月寒風吹
易水蕭條誰送出城人

陽關古調是何聲
引出沾襟送客情
北塞南湖無

限地可憐難着一書生

招同社蔣玉淵劉仰山陳健夫子虎臣顧爾

立吳鶴山劉靜伯陳書焉李萬資潘層峰

朱贊皇沈耘石李永祺余尺玉集岸堂賞

盆桃

冷館春深氣亦溫
一枝桃綻客銷魂
從他酒債添
多少不肯花時獨閉門

春城何處訪仙源
但買香醪注滿罇
沉醉不聞朝
市事紅桃枝底是山村

東臯春泛迴舟口號

看罷垂楊兩岸烟涼風吹鬢興悠然乘帆東下何
時住猛想西山便轉船

聽黃葵園琵琶有感

寒食春城不禁烟東風吹雨到杯前碧桃零落丹
崖老又聽黃郎理舊絃

花前小部餞劉仰山之行唐任

沽酒留君暫駐車翻階芍藥比朝霞離人情事樂
人解不唱驪歌只看花

楊花

東風軟弱亂紅稀寂寂空齋晝掩幃留下楊花春
不管無情無緒傍人飛

十里春隄萬樹空南隣北院雪濛濛無端引惹飄
零淚自怨楊花不怨風

海棠院詠白丁香

海棠花下賞春光一樹冰姿向粉牆都愛紅粧吟
又醉風飄滿院是誰香

馬祖修還金陵索詩

何夜蓴鱸忽動思秣陵江樹未紅時笑君瀟灑巾
箱裏多此勞勞熱客詩

秦淮水榭飽聽歌一入京塵鬢已皤書信不煩君
索取舊遊零落亦無多

聽樊花坡琵琶

侯王第宅月輪高銀燭金尊賞鳳槽恨不早爲君
弟子白頭纔聽鬱輪袍

黃葵

深盃日對野花啣艷紫嬌紅欲盡芟老去風流渾

不減杏黃猶愛美人衫

紅蓼

垂垂花穗繞窗栽滿地江湖一釣臺不與蘆花同
漂泊長空過雁莫疑猜

題毛會侯松綾琴囊

繁絃盈耳世茫茫綠綺千秋只一張驢背童肩山
水路無錢人笑是空囊
大雅遺音剩有君裹囊休使世間聞陽春題徧無
人解只當羊欣白練裙

入韻咏斜街瓊花

有序

大抵豔揚州蕃釐觀即后土祠有瓊花一樹花開
本於于暮春每一蓓蕾開花七朵每朵四瓣瓣
蒂俱瑩白花如琢玉心中蕊如金粟異香
馥郁月夜常有仙姝來往天下所無也後
枯乃以唐昌觀玉蕊花補之玉蕊四瓣與
瓊花無異但黃蕊中又有綠蕊若小瓶內
吐長絲微有香後又枯更補以聚八仙花
其花類玉蕊而大排連八朵無蕊蕊亦不

香今燕京張冢宰西第在宣武門外斜街
自興文之南齋前有樹叢生每三四月開花人呼
為玉蕊細辨其狀類瓊花天下無二本者
今乃見于京師可謂瑞矣前賦二律今詳
考載籍又咏二絕句

塵埋玉樹幾經秋折向銀餅無限愁偏我相看知
姓字前身應共客揚州

二分明月百花洲杳杳仙姿無處求只道蕃釐花
譜絕一枝流寓古幽州

題計希深驢背琢句圖

破袖垂鞭幾度春詩篇塞滿錦囊塵誰知驢背千秋在錯看章臺走馬人

蹇驢斜跨踏殘春細草平沙不動塵吟到橋頭臨水照纔驚人是畫中人

健夫過訪留飲

閒門風掃雪盈堆着屐尋詩只爾來花自開遲鶯自晚不曾妨礙手中杯

看天壇牡丹

尺五壇邊露氣清綠沉紅醉碧闌檠凡花到此成仙種况是天香舊有名
稔色濃香獨倚風花王品格自難同一枝開在雲霄上又壓群芳幾萬叢

燕臺雜興三十首

有序

歲甲戌成均多暇作燕臺雜興四十首同人借鈔傳為詩話今三年矣予轉版曹又得雜興三十首寒瘦之態不亞于昔竟無借鈔者蓋鈔書皆閒人事予為忙官誰肯

就我詩之不傳者大半忙官也

司農鼎足大宗工郎署高吟興亦同聯轡看花開

道路教人不信詩能窮

大司農陳說岩少司農王阮亭王藻如三先生郎官黃自先劉雨峯龐雪崖劉元嘆陳子文吳元朗皆一時詩人常看花聯吟傳為盛事

賺出人間絕妙詞枯桐果是鳳凰枝兩街樓上春

風並從此崑崙避段師

樊花坡名棧琵琶為當代第一手王阮亭田綸霞王吳廬龐雪崖諸先生俱有贈詩黃葵園亦能琵琶為之斂手

壓倒臨川舊羽商白雲樓子碧山堂傷春未醒朦

朧眼又看人間夢兩場

玉池生作揚州夢傳奇龍改庵作瓊花夢傳奇曾於碧山堂白雲樓兩處

扮演子皆見之

舞刀擊劍不驚塵三尺虬鬚一丈身此客饑眠燕

市裏出關飛將是何人

龐去奢威縣人身高九尺鬚長過腹能舞刀劍埋首燕市與詞人唱和可惜也

七十放生鬢有霜重來梁苑事難忘看花不到花

枝底袖掩春風哭孝王

蔣馭鹿名鑱舊館哥子公府公卒後蔣遊楚江白頭重來已十二年矣入其寢

園慟哭三聲不飯而去

戴笠乘車一例貧長安瑞雪自荒春誰家飯顆流

墻外索米來尋索米人

計希深甫草先生子也詩追家學而落拓長安騎驢琢句畫為圖卷子不能分

俸益之每為愧嘆

文章九命未君欺，纔解行囊已問醫。丙子殘春風雨夜，中江絕筆紀年詩。

袁士旦名啟旭，抱病來京，凡同人倡和者，分韻送榻上，苦思成句，入紀年集中，兩月而卒。

上林還有舊時名，御柳宮花滿樹鶯。不管揚州春寂寞，曳裾來作女書生。

揚州女士王端人名正善，畫花卉為蔣前民弟子，來京覓館名噪輦下。

朱門一出路茫茫，篋裏空藏斷袖香。走上墮瑜歌

一曲從新人看李修郎。

李修郎聲伎擅場為貴人所寵，人難窺見，後被棄擲，仍到歌場見者，驚為絕藝。

衙散朝回亦不忙，敲門詩客趁晴光。海波巷裏紅

塵少，一架藤蘿是岸堂。

予出使海口，著湖海集，每有漂泊之感，還京後又寓海波巷，心竊厭之，阮亭先

生為題岸堂，住此八年，藤蘿成架，一時風雅多登堂者。

醉倒胡牀吳鏡，莽賣文錢盡。懶歸南舊人，誰認通

侯子，借我郎曹札一函。

吳鏡，莽名穆，前恭順侯之子，能詩，尤工四六子，為游揚文聲始，噪寄家淮南，潦

倒燕市，今秋乞子一札往迎妻子。

閒官閒比釣魚閒，怕惹紅塵又閉關。一夜秋風歸

思滿，朝叅班裏說黃山。

黃自先名元治，能詩，工書，俠腸，而仕隱夢寐黃山，談不去口。

鮑叔黃金莫望分，青氈故物且浮雲。嚴冬涼帽長

安市，笑殺兒童哭殺君。

江右吳雀山，舫翁之子也，訪故友于燕山，多淡漠，置之禦冬衣帽，歸偷兒手，掩

淚燕市，覓之不得，兒童笑之。

紙上喬松舊有名，雪坪健筆老錚錚。可憐十里黃

山秀不敵桃花入世情

梅耦長名庚詩人也善畫黃山古松贈一大僚懸三日輒以時手桃花易之

李杜何曾借出身文章有翼亦稱神白頭垂釣鷹

揚老肯作文升榜後人

姜西溟名宸英書法重于朝野年將七十中汪士鋐榜進士後輩多為前輩且有稱太老師者可惜也

有稱太老師者可惜也

冰雪聰明姑射仙泠泠逸韻不輕傳無端招我松

風下一脫朝衫嬾更穿

曹天全道士丰神超絕絲桐入妙常于天壇松下聽之

銅山金埒勢崢嶸暴富乞兒恬不驚每日垂鞭歸

第邸有人來看孔方兄

子畏監倉而得監鑄免累可矣寒如故也泛交者不知多來稱貸

金屏厭展漢宮春萬卷幽風賜近臣茅屋荒田勞

瘁貌也容圖畫上麒麟

焦秉真畫畊織圖雕板大內妙勝龍眠農家作息之苦常博御覽與幽風無

逸並重也

榜底歸來自放歌搥穩一打醉顏酡奚童力促還

山駕且喜庚辰有下科

蔡鉉升下第館童大哭問云此後還開科否曰三年一度童喜曰還好還好

南部烟花劫後灰曲終人散老相催崑山絃索姑

蘇口絕調誰傳小忽雷

子小忽雷填詞成長安傳看欲付梨園竟無解音後得景雲部始演之

上馬遊街下榻眠塵埃爭看衣翩翩駐顏有藥何

須問能買樓居便是仙

劉靜伯多才智車馬閑都傲樓而居望之若仙

濁世紛紛報怨恩錯將心事比夷門當年瑜亮今

方李纔是同生好弟昆

方枚士名正璠李萬資名先春抵足三年酬和成軸俠腸深心人莫解也

梁四公中第幾公閒看邊勢到西戎采薇父老山

中死吾黨難成一世雄

梁質人名份舊隱翠微峰文章士也今制府為閱邊形畫成卷軸一時以奇士目之

東風吹落泰山塵笠下雙瞳認我真彈指十年成

底事空囊又遇蔡瞻民

蔡瞻民為費燕峯弟子俠而能詩傾囊贖人妻子子還京時遇于涿鹿風塵瞇

目能識子貌下馬旗亭三盃而別

浮屠佛骨滿長安一去潮陽再諫難王道平平無

外處儒生何事髮衝冠

宋豫庵名瑾著說闢佛辯如懸河雖為吾道干城而利口褊性到處紛爭

嘔出新篇血色湮道傍枕藉馬牛塵銘旌七字人

人歎萬古公車未第人

粵東吳山帶孝廉著詩滿篋附屈翁山陳元孝梁藥亭三子之社公車入都歿

于車上遂就車中殞之

渣滓消融淨俗腸春衫風裏太郎當沈郎不為吟

詩瘦學得龐公辟穀方

龐雪崖自言得養生術每飯半盂面目枯槁沈方舟名用濟學詩于龐形亦孱

弱蓋龐所授也

疎簾清簟坐移時局罷真教變白髭老手周郎輸

二子長安別是一家基

周東侯奕局國手武林徐星友來京自謂過之有貴公懸金幣為壽早食方罷

即命對局躊躇一子歷時數刻子竊旁觀日移午矣周老輸二子袖手而去

傾慕俠名無地尋忽逢燕市喜難禁誰知小學纔

開講管葛原來赤子心

李剛主名珠姓名貫耳以為俠士也相逢劇談知為顏習齋門人但講舞勺灑

掃應對之事

家傳遺錄在燕京賣賦淮南得盛名誰解王戎心

裏事啣盃終日就劉伶

王崑繩名源其尊人舊官京衛作崇禎遺錄紀事甚詳兩郎君淪落淮南皆以

文章著崑繩每來燕市就雨峰元嘆二劉飲酒日無醒時

題袁杜少畫石冊

萬態卿雲草又封硯山高值付時傭何女畫裏玲

瓏骨一袖能藏無數峰

長安雪後寄懷拙庵禪師

馬蹄蹠蹠御河濱頃刻淄泥踏作塵翻笑盤山松
寂寞百年曾見幾遊人

博士由來最冷官思山有夢去仍難空勞看雪遙
相待掃淨晴峰上下盤

咏斷紋烏皮几

烏皮零落斷紋侵朶朶梅花映上林不理朱絃彈
雅調空堂設此即陶琴

初晤何義文即送從事河干

問訊豐臺早放衙一枝芍藥贈誰家今人情事前

人解號作將離是此花

龐雪崖同寅之任建寧題句畫端

滿眼青山指建城羨君作郡一身輕詩篇畫卷行
裝裏只當籃輿選勝行

不須畫手倩荆關管領烟霞人自閒他日也能爲
太守何州更有武夷山

題柯亭無絃琴圖

沙明水碧遠江天極目寥空一喟然只有希聲傳
不盡泠泠指下罷鳴絃

白雲紅樹杪秋天一陣飛鴻去杳然人坐此時消
萬慮焦桐撫處不須絃

惠元龍太史出宰密雲使來贈紵

社樹常啼上苑鴉密雲近似洛京衙故人冰署寒
無炭那用綈袍錦上花

題扇頭墨畫杏花

水墨迷離意自紅折枝藏在袖懷中杏花時節多
風雨那得春光與扇同

寒食日送陳健夫南遊

三月蘭亭社裏人分襟却值柳條新白頭郎署誰
知己從此看花不當春

短長亭上說離懷書劍行踪百事乖分付梨花風
雨裏送君須到洛陽街

水映紅桃兩岸枝江南帆影舊遊時有人憶我君
須報畫省焚香不廢詩

東風吹煖忽吹涼婪尾誰家隔甕香零落梅花君
又去濃春孤館自思鄉

飲洪秋巖齋中

催花風送牡丹香翠幕金樽幾院忙只愛蕭齋清
絕處薔薇折得一枝黃

客裏醱醺酒又嘗蕭蕭郎署倍思鄉不知紅片飄
何處但見槐陰綠到牀

洪秋巖席上送嚴二維南遊

荷風吹面客船輕載酒津亭羨此行君到揚州煩
借問十年前有牧之名

纔得逢君即送君樽前離恨不堪云江南滿眼鶯
花在欲寄新詩少舊群

蘇詩題沈眉生先生姑山草堂圖

村北村南遍夕陽
卜居雲外木蒼蒼
姑山萬古清風在
又倩盧鴻畫草堂

黃自先招集麗暉堂同劉雨峰于章雲劉元

歎陳子文吳元朗崔青峙分詠秋柳

秋堂夕照似春溫
弱柳還青帶雨痕
不是河橋分手處
長條拖地亦消魂

殘秋猶見柳絲新
斜倚西風綠正勻
來往塵中霜鬢客
風流一樹似何人

聽樊花坡琵琶彈秋宮秋塞二曲

泉流鶯語弄珠圓
細到無聲一縷烟
長信宮中秋雨夜
幾人哀怨似冰絃

溫柔放下舊時情
萬里烟塵一刻生
鐵馬金笳須記取
今年出塞試新聲

送黃交三南旋

邊雲送雨曉霏霏
九月空齋未授衣
正是孤吟愁坐處
黃花賞罷故人歸

從此江雲又萬層
茅堂勸飲剪秋燈
十年一度茱

莫會風雨催人下廣陵

庚辰元日題翁岩求蘭譜予咏者歲蘭開於

春初色白香幽

上苑鶯聲未動時早朝人賦早蘭詩百花頭上春

正月王者香傳第一枝

臘殘幽谷曉風催凍破香苞雪一堆無限晴春君
領畧花魁不讓嶺頭梅

李鼎公兄弟招看海棠同陳子文劉元嘆劉

雨峰錢亮工吳元朗分韻

新紅纔抹一樓霞占斷街西只此家苦被春風催
白鬢今年羞見海棠花

花下聽歌見歌兒淚下感而贈之

翩翩翠袖舞前除人似紅梨欲放初河滿一聲雙
淚落傷春老客更何如

席上見海棠漸開

來賞紅苞未破時珊瑚兩樹正垂垂筵前不信東
風急瞥見花開四五枝

題果廠張園

層層山翠撲湖堤，獨眺閒吟倚杖藜。
人轉春城花路晚，夕陽留在此亭西。

來賞萬九沙移樽岸，堂同余鴻容夜飲。
前不計東訂交深淺，在黃金逐客何勞。
夜半尋勸我一盃燈，下酒至今酣醉古人心。

酬曹白山遠顧
燕塵不似洛塵紅，灰洞穿來十里風。
只爲臨行三兩語，忽添惆悵落花中。

咏檳榔花

古酒沽西只此春，苦如春風對

一朵奇葩何處來，天桃郁李漫疑猜。
北人都愛炎方果，天教花于冷地開。

咏一捻紅芍藥

一枝芍藥上精神，斜倚雕欄比太真。
料得也能傾國笑，有紅點處是櫻脣。

馬繼人惠香

眼望青山手欲分，芝蘭贈我致慇懃。
從今篔簹山中臥，帶去宮香無袖薰。

歸田有期人多以畫卷索題，日不暇給，蓋百

長留集
卷之七
留題蓼庵畫卷

餘卷矣可存之句實無多也
不是飄然姑射身那能冰雪淡精神
白頭得謝浮名去欲向空山問此人

題顧大士畫東坡捧腹圖

來本無端去亦奇不知何法是時宜
多君老手詠諧筆畫出東坡好肚皮

題高且園指頭畫秋意

一段江鄉色可憐蜻蜓情性蓼花牽
幽窗指點新

涼處似讀南華秋水篇

為張柱客題美人卷

卷裏崔徽買麝薰愛他小傅似唐文
揚州杜牧垂垂老禁得重消半段魂

題徐芝仙畫青塚圖

生長明妃村已無魂歸月夜影偏孤
蛾眉曾被丹青誤荒塚何須入畫圖
無花無鳥舊離宮誰寫沙場夕照空
一自紅顏埋碧草玉門關外有春風

自是君王賞識真畫工枉費畫精神至今墓草難
描寫何況盈盈上馬人
絕代佳人去不回魂迷野草古今哀誰知一片青
青塚却得圖形入塞來
墳前誰奠酪酥茶古柳飄綿草放花何事披圖偏
濕淚人傳殉葬是琵琶

徐芝仙扇頭禹尚基畫翠樓圖

鈎簾不見楚江花風送垂楊萬里斜自是樓高能
惹恨巫山那可住人家

題洪秋崖扁舟訪友圖

千里攜琴乘興遊層層春闌阻行舟知心獨有桃
花水帶兩衝烟不斷流
訪友圖成眼一新淮南歸棹又經旬不知離恨誰
深淺我與何郎亦故人

題冒辟疆姬人繡文扇頭貼辦梅花

嫣然橫影一枝斜曾記江南處士家流水東風無
意緒扇頭留得舊梅花
葉桐初行藥圖景中無人意致高絕爲題其

懶解囊琴酒漫沽烟村水寺一人無亭亭日向秋
江下平遠谿山展畫圖

題瓶花卷黃葵園畫

堆雪裁雲散作霞枝枝折向膽瓶誇春風袖裏徐
黃手併出千般四月花

題胡智修種竹書屋小照

誰寫離騷意不同時流錯擬晉賢風四圍修竹茅
堂矮人坐湘南雨氣中

舊宅圖成水竹居歸來踪跡老樵漁朱輪翠蓋從
人借留得蕭然四架書

題李吉四僧裝小照

蓮社廬峰路已蕪高賢踪跡杳難呼一筇一屐黃
山去選得松林蓋世無

鶴立亭亭道貌孤僧繇位置費工夫黃山粉本傳
流久借取中峰半段圖

扇畫梨花白燕施溥霖筆也愛其雅秀遂題

之

半放梨花燕子來
雪衣雲影漫疑猜
時人洗淨臙脂手
敵得前朝作賦才
題指頭畫
流水不從絃上聽
何須筆底乞丹青
指頭無限春風力
却笑毛錐少性靈

題坐禪圖

居士參禪坐澗阿
手持百八意如何
朝班曾挂珊瑚子
檢點身名失筭多

張曉岩畫扇頭荔子

君謨不放嶺南官
夢想楓亭置驛難
驚見鮮紅三五顆
涎流一滴濕冰紈

題美人看魚圖

缸邊小立趁微涼
一片春波比鏡光
却恨紅魚搖綠藻
美人影亂不成粧

為張子霖題書劍圖

自寫嶽崎七尺身
年年飄泊洛京塵
不知書劍成何事
風雨偏隨發憤人

題張珊來磨劍圖

千古心情寄世塵重磨匣劍與秋新出門獨立沉
吟久世上曾無可贈人

題馬衆旃畫卷

萬里清秋無限思芙蓉頂上立多時搔頭一嘯青
天近袖裏忙搜謝眺詩

答余尺玉

送我無言聽鳥聲不如歸去路難行黯然定有消
魂處也是桃花百丈情

吳名翰爲予作傳高天陞付梓以贈予未識

其人

洛紙騰騰貴一時傳留小傳滿城知從來不識黔
婁面錯比平原買繡絲

看瓊花

人人疑我嬾歸家柳老鶯忙日又斜還有未完清
福處天官宅裏看瓊花

送許孚中西遊

一聲蟬噪晚晴時瓦枕浮名誤鬢絲滿眼家山歸
未得老夫懷抱語君知

長留集九
卷之七
催促英雄世事難紅塵路走舊長安華山雲氣終
南雨萬古閒愁傍客鞍
張敬止中丞席上贈歌者

開府笙歌耳乍傾霜濃月落對燈檠自憐顧曲周
郎老猶比紅兒問小名
不知宛轉幾多情截竹聯絲字字清對爾沾巾緣
底事十年纔聽一聲鶯

送樂塊然之天津

河橋小別莫消魂且盡沽來酒一罇正是新荷紅

出水片帆微雨下津門

買芍藥花

今年社燕寄誰家巷小人稀樹影斜送客開門紅
照眼筠籠揀得幾枝花

畫屏書幌長精神都借瓶中婪尾春眼底客愁消
一半傾囊難答賣花人

劉雨峯寅丈又來館賞瓶中芍藥同人分韻
一枝一色品皆精紅白何須問譜名芍藥香中過
四月主人仍住廣陵城

長留集
高齋晴日賞春風酒近名花味不同十里豐臺都
減價精神併在一瓶中

初伏日方一峰吳名翰汪半亭楊君弢陳子
章樂塊然釀酒岸堂消暑分韻

紅蕖採贈貯冰壺鄰酒攜來不費沽多少瀛洲裁
賦客納涼得似此間無

八月十八日憶廣陵舊社

曾泛淮南八月槎浮天雪浪一帆斜于今宦海魂
難定反羨江湖穩似家

中流擊楫響歌鐘不畏雄風浪幾重自到長安深
閉戶牀頭蟻鬪震心胸

咏草虫名聒聒

青青背羽鼓秋箏蛩露蟬風響較清何處催衣偏
聒耳茅簷晴日豆花棚

曉過蘆溝橋

風吹瘦馬過橋頭橋下淙淙水亂流何處霜天無
曉月半環清影在蘆溝

曉望西山

千峰日照紫煙攢不似芙蓉似牡丹收入曉粧銀
鏡裏山名應是膳支山

趙北口

綠水環村曲折流蕭疎木葉帶殘秋分明人喚秦
淮渡只少吹簫顧媚樓

不是隋隄舊柳條人歌水調亦魂消今宵又入揚
州夢去雨來烟十五橋

曉霧

海霧濛濛接曙天林梢刺面馬難前烟村一抹誰

圖書半幅襄陽半巨然

冒雪北回

柴籬催客曉雞聲羽騎紛紛御路平一夜海風寒
徹骨雪花吹過景州城

香城旅舍獨酌聽瞽兒琵琶

琵琶也解唱甘州旋買村醪盡一甌法曲不傳雙
耳閉虧他驅遣此時愁

出彰義門

十八寒冬住到今鳳城回望淚泔泔詩人不是無

情客戀闕懷鄉一例心

旗亭口號贈送行者

日落寒山旅鴈哀
旗亭立馬兩徘徊
片時無限纏綿意
勸我登程又勸盃

車上回頭別故人
斜陽照面各沾巾
眼中淚自心中發
纔識朋情在五倫

元夕

冷巷窮門忽架樓
早張燈火上簾鉤
春街有客昂頭歎
幾日三郎雪滿頭

蹋橋燕市幾春風
鄉社重聯燈又紅
若爲春遊無管領
放回竹馬老頑童

蹋青晚歸

蹋青扶醉晚歸家
紅燭迎人月未斜
三寸銀瓶新注水
女郎圍看折枝花

杏花收雨柳收烟
人愛良宵不肯眠
何處東風消酒力
秋千近在畫堂前

寒食得花字

時大飢流殍載道

逃亡屋破夕陽斜
社燕歸來不見家
舊日踏青芳

草路紛紛白骨襯飛花
雨濕春堤一路沙香芹甘薺已無芽可憐挑菜如
雲女鬧掃貧粧嬾戴花
行藥驅牛老歲華迢迢城脚趁歸鴉新墳狼藉誰
家掃幾樹棠梨自放花
村村社鼓久停搗餈粥何曾到齒牙拘斷吟鞭蒙
被臥今年不看杏開花

咏聊園石船

蓬倚蘆花泊幾年不須理棹不須牽白頭看盡風

濤惡只合歸來坐石船

木蘭舟上古苔斑風雨春帆一片閒應爲離愁難
載起一時身化望夫山

平陽竹枝詞五十首

一聲畫鼓一聲雷響到朱門報鎖開不解東皇何
處住遠勞紅粉送春來

青旗尚未出郊東百戲呈來一樣同太守簾前花
爛熳誰家門巷不春風

煖閣前頭十二釵看春踏脫幾人鞦平陽不是尋

常郡歌舞從來上帝階
新添雪鬢不須驚
士女叢中掉臂行
那壁春多那壁少
老夫眼底尚分明

以上演春詞

催花羯鼓響沉沉
早喫湯圓喜不禁
老嬾能教春打動
自知不是土牛心
太守衙前縛綵棚
春官春吏把衣更
青旗引道滔滔去
人似東流水上萍
城樓高處立逡巡
滿眼繁華萬井新
獨有西南城角路
無人從教柳傷春

輿夫肩上冷颼颼
走出東門市盡頭
何處先看春富貴
路人都指亢家樓

坊門藥酒肯遮留
紅上衰顏不怕羞
偎倚花叢看仔細
春鞭打着也風流

陰醫僧道驛巡倉
頭踏排來十里長
都插春花都上轎
官員扮就第三行

馬上馱來舞袖紅
真娘小字似雷轟
搖鞭指顧多相識
野老何曾放眼中

魏峩影壁對神樓
無限春光此處收
粉黛圍中停

不得匆忙過去却回頭
大中樓下四門通鄉俗梳粧各不同人到街心如
磨轉東西南北看春風
行行隊隊過公堂拜獻謳歌讓教坊管領春風官
得意烏紗儘戴亦何妨
各爲春情鬧不休勸農巧借古題頭誰家喫打誰
家戲世上堪憐是土牛
羊裘黑染竈煤塵千里來看晉地春官長能容屏
後立白頭不是落時人

以上迎春詞

無風無雪好春山不種梅花驛路閒却買栢枝如
翠羽試燈簪在美人鬟
迎春三日似深春大半團圓月一輪元夜莫愁燈
冷落姮娥約定出遊人
橫街春帖掛長繩早見烟花一萬層明日須尋小
巷去無人鬧處有紅燈
纔上花燈我便過一年百病易消磨歸來早睡還
遲起夜夜春街用眼多
太守迎恩上五臺北門鎖鑰不輕開秧歌竹馬兒

以上試燈詞

童戲還到堂簾舞一回
劫後南城半土圯春燈一照即風流女郎夜耍浮屠寺合掌爭朝大佛頭
月上東城白似銀綺羅珠翠一番新富强晋國今猶昔山樣牛車載美人
層樓燈火亂搖風天上人間景不同兩路雲梯休鎖斷蛾眉都許到蟾宮
百步長廊九陌通一團簫鼓萬燈紅車來馬往關侯廟總似鰲山影戲中

歌舞臺邊顧女優酸丁那得錦纏頭大紅封裏錢
多少賺得慙勤捧玉甌

軒蓋威風讓宰官行厨不教菜盤寒詩情酒態燈
筵客值得臨汾萬眼看

后土祠前百尺樓燈輪旋轉照神州明明一道銀
河水衝動星辰向地流

蒙城小部試官商不是崑山亦擅場爛熟傳奇人
未解跪將點本讓城隍

金彈銀花向月噴萬人仰看熱紛紛判官冠帶雖

泥土眼裏心頭亦火焚
大鼓樓連小鼓樓香輪交輾路成溝春泥軟脚難
行處不借人扶走到頭

衙鼓三敲罷市帘歡場散盡女纖纖歸來却似鄉
園裏紙剪花燈掛滿簷

以上蹋燈詞

汾水烟花似汴州六街好處欲全遊
泥泥暫借郎肩作畫樓
天半飛來唱一聲萬人圍著似街平
凌波小步無塵土
踏上雙肩儘意行

一雙紅袖舞紛紛軟似花枝亂似雲
自是擎身無妙手肩頭掌上有何分

香塵遮斷路東西人影燈花到處迷
只有嫦娥能入月倩人扶上一層梯

行雲送去舞腰身人看天仙仙看人
却笑歌臺移不動誰家無脚唱陽春

以上舞肩詞

鳳陽少女踏春陽踏到平陽勝故鄉
舞袖弓腰都未忘街西勾斷路人腸

蹴鞠場中不用毬輕輕對踢眼斜
分明學得秦

樓舞五綵裙邊露鳳頭

雨點花攢鼓襯羅春風吹袂影婆娑是誰傳與江

南曲壓倒仙人踏踏歌

平頭鞵子窄長袍便是兒郎態也嬌惱亂紅塵行

到晚何人收管鄭櫻桃

脂濃粉淡走天涯不數宜春院裏花結下風流無

限恨插秧時候懶還家

以上踏歌詞

太行西北盡邊聲亦有崑山樂部名扮作吳兒歌

水調申衙白相不分明

平陽簾外月黃昏一曲能消座客魂此地風流原

有種唐時艷體說西崑

以上西崑詞

一羣紅袖不知名按板都能唱曼聲白領烏巾雲

母扇幾人丰度似王生

第一柔情數孟姜賞燈時節病西廊金娘笑口強

兒手也惱書生幾段腸

以上女優詞

亂彈曾博翠華看不到歌筵信亦難最愛葵娃行

小步攞瑜一片是邯鄲

秦聲秦態最迷離屈九風騷供奉知莫惜春燈連

夜照相逢怕到落花時

以上亂彈詞

漁樵腹裏有山河季漢殘唐眨眼過
瑣屑儒生誰掛齒英雄只說將門多

大抵興亡非爾知秦皇漢武事多疑
憑君醒木敲千下不是陳搏睡起時

以上平話詞

平陽柳枝詞十首

對面歌臺鬪曉春綠楊不見見紅塵
籃輿悞入烟花隊膩粉穠脂薰煞人

賽社城頭鼓不停燈烟香霧晝冥冥
環迴走盡叢

祠路忽見西山似柳青

柳接東城路轉灣粧樓臨水一春閒
枝頭未放描

眉譜早敞紅窗看遠山

朱邸誰邀謝客歡綠珠藏處鎖雕欄
閒登百尺金

城上花柳亭臺向下看

隴麥纔青杏未紅柳堤立馬試春風
滿天紙鷁爭

高下線在嬰兒小掌中

紅蕩粉褪進香回柳路風吹畫袂開
笑指銀塘家

不遠後園花好為奴栽

戲竹垂垂軟勝絲隋唐雜劇舞多時可憐故府伶
人老孫女于今唱柳枝
等着梨花助曉粧誰教閨月惱人腸歸寧約在清
明後寄語柔條且漫黃
水灌畦塍小步過菜花開處舞黃蛾春風吹入佗
郎廟柳擺歌臺礙眼多
行人跡似鴈行斜踏碎汾河細碎沙昨日春泥纔
解凍墊橋枝柳亦抽芽

過壽陽

小店垂簾壓酒忙一樽未盡促行裝關山細雪紛
紛下不見梅花過壽陽

過鳳凰山

鳳凰亭上浩烟波雁陣鷗羣盪槳過誰向村帘招
遠客青山却比故人多

泊舟白鱣廟書定省上人屋壁

大地風濤盡可駭白龍白鱣不須猜高懸僧榻寒
江上招引浮生到岸來

來鶴亭

陳子文新書
額在黃鶴樓

賣酒旗邊騎鶴去更無消息到江樓翩翩來鶴何
年夢應似東坡月夜舟

題閣筆亭

有序

黃鶴樓在黃鶴磯頭其名雖久實顯于崔
司勳之詩李太白驚見崔詩槌碎黃鶴樓
不能出一語曰眼前有景道不得崔顥題
詩在上頭遂閣筆而去是崔之詩名又顯
于太白後世盛傳白雲黃鶴之句而指昔
人為呂仙事已誤矣至于太白遺跡竟未

有及之者更一缺事聞舊有太白堂一廊
直通樓下規模甚壯今改為亭且與湧月
臺白雲樓三層排連皆去其額遊者歷階
而過不知此為何跡也予徘徊亭下遍讀
近人之詩因口占四絕書之粉版並擬亭
名于詩前特為此地補此缺事且以知天
下名山勝境皆顯于落拓之文人而太白
曠世逸才乃能虛懷服善其謙德尤為可
傳云

崔顥吟成絕妙辭不因裊碎世誰知青蓮讓美空
又手壁上于今竟有詩
瀟灑仙才有盡時當年閣筆費尋思唐人不及今
人膽敢續崔郎以後詩
白雲黃鶴句多奇具眼人來自避之莫怪紛紛題
壁者模糊未見上頭詩
樓頭有韻莫輕追崔是司勳李是誰發興須遊千
里外鳳凰臺上再吟詩

漢口登輿北歸

漢口江邊白水灣輿簾高捲看春還重來買醉應
無日回首魂消大別山

花朝題樓一上人採芝圖並送入都

問訊山門何處開曾從鹿苑入天台新詩一束寒
如雪應帶飛梁瀑布來
不蹋紅塵十一年閒看瓶鉢去朝天梅花折得無
人寄可惜春風送皎然

九日挽顏澹園親家

甕酒噴香菊放籬焦桐聲斷失鍾期白頭同下山

陽汨况是茱萸插鬢時

街西三絕劉生索賦

馬踏街西一路塵紛紛紅袖浣青春老夫判斷烟
花久不信香君有後身

關心一語最堪哀若爲劉郎特地來不是詩禪不
是謎燈昏酒散費人猜

綈袍恩重不須言此夜腸迴幾萬番多病多愁緣
底事買絲難繡女平原

元夕蹋燈詞

傳柑席罷月初升扶下燈樓十二層不識廣寒宮
裏路滿城人轉一輪冰

仙侶笙簫自作羣春衫翻着白紛紛誰能月下分
王謝但見霓裳一片雲

少年不厭老昏聾引過西城又轉東社夥叢中迷
去向燈竿只認半天紅

不踏春街又十年偏能健步在人先白頭鮑老何
妨笑立向花燈最亮邊

春夜睡醒

西窗橫影月來初半醒微吟臥草廬臘雪無多春
雨貴勒得梅花瘦且疎

屋角桃花

三春十日九東風吹得山城花盡空小院桃開人
不見閉門獨賞一枝紅

插柳

早起微涼雨意濃匆匆節序觸愁胸兒時最喜簷
前柳老境偏懷墓上松

皚皚雪鬢已無加愁緒催人尚似麻只願看花忘

歲月何須插柳記年華

暮春過魯城東萬柳莊


天開防嶺繡成屏細柳新蒲處處青一曲流觴墻
外水無人修禊比蘭亭

行行柳帶夕陽鴉掩映柴門正復斜立馬橋南閒
指數恰容陶令五千家

四月六日野人獻新黃瓜乞賞

春圃泥乾少菜芽盤中何物帶黃花不知
炊斷還獻嘗鮮二寸瓜





Vertical text columns on the right page, including a title on the far right edge and faint bleed-through from the reverse side.

十
日
集
孔

...

